

Студенттік өмірдің қызығын ұлттық ойындар толықтырды

Авторы: әл-Фараби атындағы Қазақ ұлттық университеті, дене тәрбиесі және спорт кафедрасы профессоры Елемес Алимханов.

<http://group-global.org/ru/node/28873>

Сессия: [Программа развития целей тысячелетия](#)

Категория: [Спорт и туризм](#)

21 Декабрь 2015

СТУДЕНТТІК ӨМІРДІҢ ҚЫЗЫҒЫН ҰЛТТЫҚ ОЙЫНДАР ТОЛЫҚТЫРДЫ

21 Декабрь 2015

Авторы: әл-Фараби атындағы Қазақ ұлттық университеті, дене тәрбиесі және спорт кафедрасы профессоры Елемес Алимханов.

Сессия: [Программа развития целей тысячелетия](#)

Категория: [Спорт и туризм](#)

Еліміздегі іргелі оқу орны әл-Фараби атындағы Қазақ ұлттық университеттің есігін алғаш ашқан 1 курс студенттеріне арналып 18 қазанда (2015жыл) өткізілген «Студент күні» жастардың естерінде қалатындай мазмұнды мереке шеңберінде өткізіліп, соңы спорттық жарыстар мен ойындарға ұласты.

Университет ұстаздары мен басшылары жас студенттің өмірі мазмұнды болуына бар күштерін салып мәдени-тәрбиелік шараларды кеңінен ұсынғандығы бірден байқалып тұрды. Бір жерде ән мен күй шырқалып жатса, өткізіліп жатқан спорттық шаралардың көптігінен қай жерге барып қызықтарыңды да білмей қаласың. Соның ішінде аты ұмытыла бастаған «Бестас» ойынынан жарыс болып жатқан жердегі студенттер мен көрермендердің қарасы тым көп. «Бестас» ойыны өткізіліп жатқан кең бөлмеде жұмсақ төсеніші бар еденге жайғасқан қыздар мен ұлдар дәл өз үйлерінде отырғандай еркін көңілді күйде ойынның қыр сырын меңгеріп жатыр. Ойынға қатысушылардың ішінде «Бестас» ойынын бұрыннан білетін студенттер мен алғаш рет ойынды көріп тұрған студенттер де бар. Жарыс өтетін жерде бір жайлылық байқалады, жүгіріп, секіріп, еңгігіп жүрген бір адам жоқ.

Алдымен студенттерге «Бестас» ойынынан жарыс университет қабырғасында екінші рет ұйымдастырылып отырғандығы туралы және әл-Фараби атындағы Қазақ ұлттық университеті елімізде алғашқы болып ұлтымыздың ұмыт болған «Бестас» ойынын жандандырып отырғандығы атап өтілді. Ойынның адамға берер пайдасы көп екендігі, ойын адамның көз жанарын сақтап, жақсаруына, ептілік, дәлдік, байқампаздық қасиеттерді жетілдіруіне, санау, есептеуді үйретуді, адамды сабырлы, байыпты болуға шақырып, шаршағанын басатындығы туралы айтылды. Ойын ерекшелігі таныстырыла келіп «Бестас» ойынының 40-қа тарта варианты бар екендігі көрсетілді. Әр қатысушыға ойынның жазбаша түрі таратылып берілді. Жарыс барысында «Бестас» ойынын бұрында ойнамаған студенттер ойынды жылдам меңгеріп, бір-бірімен танысып жаңа достар тауып жатты.

Жарыс қортындысы шығарылып жүлделі орын алғандар марапатталды.

Жеңімпаздар мен жүлдегерлер (жекелей орын) :

I – орын: Сапар Бекәлі. Механика-математика факультеті;

II – орын: Қыдырбаева Бизада. Химия факультеті;

III – орын: Усéroва Елана. Химия факультеті.

Командалық орын:

I – орын: Химия және химия технология факультеті;

II – орын: Механика және математика факультеті;

III – орын: Филалогия және әлем тілдері факультеті;

IV – орын: Биология және биотехнология факультеті;

V – орын: Шығыстану факультеті;

Бестас жарысы барысында барлық студенттер өздерін еркін және көңілді ұстады, жарыс соңында «Бестас» ойынының өздеріне ұнағандықтарын айтып, ойынды кейінгі ұрпақтарға жеткізіп үйрететіндіктерін айтты. Бестас ойынынан жарысқа қатысқан барлық студенттер мен төрешілерге арнайы естелік Сертификаттар мен дипломдар тапсырылды.

**әл-Фараби атындағы Қазақ ұлттық университеті, дене тәрбиесі және спорт
кафедрасы профессоры Елемес Алимханов**